

QVÆSTIO MEDICA CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM.

DIE IOVIS XXVI. APRILIS.

M. LVDOVICO ROBILLART Doctore Medico, Moderatore.

Esne extremorum ab assumptis alimentis refrigeratio sanitatis signum?

736



SANITAS diuinum longēque blandissimum vitæ condimentum, sine quā vitalis nusquam vita, propositum est artis Medicæ, vt & ipse quoque morbus, quem tum dignitate præcedit, tum tempore. Illius tuendæ data est omnibus providentia. Facilius valetudinarij quàm fortes & validi, cum ægrotant, restituntur. A morbis per contagionem afficiuntur plurimi, à sanitate sanantur nulli. Est sanitas affectus secundum naturam actionum causa, potestate definenda, operatione cognoscenda. Non relatio est, multò minùs substantia, sed qualitas primæ speciei, infimæque; inter quam & morbum non datur medium. Morbus contrarijs abigitur à Medico, sanitas ab *ὕγιεινῳ* (quem non nisi ambigüe Medicum dixeris) similibus conseruatur. Sua signa habet illa, suāsque causas. Hæ sunt quæ natium calorem non extinguunt, obruunt, minuunt, sed conseruant aut excitant; vnde *ἀσθενὲς ὕγιος, ἀσθενὲς ὑποφρενός, ἀσθενὲς νόσος*: illa quæ eundem vegetum demonstrant.



SIQVIDEM calor natiuus verè elementaris, per analogiam cœlestis, præcipuum est animæ & domicilium & instrumentum, à quo omnis diuersitatis ratio petenda est, cum animæ in omnibus sint æquales. Substantia est virium: ab eo perficiuntur omnia, corrumpitur nihil: proindeque cum flammâ ignis minimè venit comparandus: superflua solum expellit, contra quàm externus, qui non eamodò, sed & vitia simul trahit. In omnibus partibus non est æqualis. In corde & iecore multus est insitus, cæterarum partium cuiusque pro necessitate concessus, carnosus quàm spermaticis copiosior. Pueris plurimus est & blandus, qui proinde omnium minimè ieiunium ferunt, & multis indigent alimentis: iuuenibus minor quibus pauciora alimenta sufficiunt: frigidis senibus paucus quibus pauca, eaque sicca. Hyeme in internis abundat, quo tempore paucus potus, sed meracioris vini, conueniens est. In somno pariter ad interiora recurrit, licet coctiones tunc non in ventribus modò, sed & in totâ animantium mole sint perfectiores. Hinc cena prandio lauior sit.



RÆTER eam quæ cuique parti propria est alimenti coctionem (*ἐμύστα*, rectius dixeris) publicæ dux sunt: quarum prima in ventriculo sit, qui eis quos deuorauit cibis ac poribus oblectatur quidem & expletur; at nec eis, neque item eo quem ex illis generauit chylo enutritur. Secunda in iecinore, quæ eiusdem chyli in quatuor alibiles humores, vltima singularum partium alimenta, ex quibus vna sanguinis massa componitur, commutatio est. Ola quæ vixerunt, vt conuertit in sanguinem, sic & nutrire nata sunt; elementa nusquam, non metalla vlla, non gemmæ, lapilli; neutiquam exceptis auro lapidèque bezaardico, lycophantarum friuolis. Ex quolibet alimento humores quatuor, sed inæqualiter, omni tempestate, ætate, temperamento, ab vnicò hepatis calore simul generantur. In sanis abundat sanguis, à quo pituita, dein melancholicus humor, omnium denique paucissima bilis flaua: vt eam seruari videantur in homine proportionem, quam in magno mundo elementa, quibus non minùs respondent in qualitatibus, quàm in mole.



MNIS à calore coctio est, qui si validus sit, præsertim in ventriculo, cibos quantumvis ingratos, insuetos, solidos, frigidos, copiosos, crudos rectè coquet, non ascito sibi aliunde ab assumptis admotisque calefacientibus, aut ab externis partibus mutuo auxilio. Si debilis, ad insalubria (quæ modo grata sint sunt melioribus aliquando præferenda) atque insolita ne transeat. Ab assuetis non fit passio. Liquida solidis, tenuia crassis, calida frigidis, cocta crudis ordine præmittat; imò his relictis alia seligat: Ne à cibis corpus, verùm ante semper exerceat: iram atque omnem animi exandescentiam & sedulam studendo, ludendo, mentis cogitationem à pastu fugiat, ne scilicet reuocato ab internis ad externa coctionis opifice, assumptorum coctioni minùs sufficiat, cui somnus visceribus & cerebro gratus, generandis & in suo centro continendis spiritalibus suppetias feret.



VIS eius caloris in coquendo robur & virtutem, vis & nosse inopiam? attende num plura post ciborum *ἐμύστα* primæ coctionis excrementa succrescant; num liquidiora atque imperfectè cocta præterfluant; num illicò ab assumptis edulij ventris aut nimia quàm par sit tensio aut ponderis sensus oriatur; num verò, & quod maxime, corporis extrema refrigerentur, perhorrescant. Siquidem id à quacunque causa fiat, seu quòd ab alimentis copiosioribus ventriculi calor, vt ignis à multo ligno suffocetur, extinguitur; siue intus recurat externus interno socio fauiscienti opem allaturus; siue à diffusa quoquoersum ciborum atque potuum qualitate frigidâ; siue per viscerum actionem atque motum ventilato aëre, sicque, vt eius proprium est, refrigerato; siue ad externa denegato pariorum spirituum ad eandem coctionem necessariorum affluxu, natiui caloris tum insiti, tum influentis paupertatem atque imbecillitatem attestatur.

Ergo non est extremorum ab assumptis alimentis refrigeratio sanitatis signum.

Proponebat Lutetiæ IACOBVS REGNAULT, Parisinus. A. R. S. H. M. DC. XXIX.